

古詩文誦讀教材一覽

下學期			
年級	編號	篇章	
一年級	01	憫農（其二） 鋤禾日當午，汗滴禾下土。誰知盤中飧，粒粒皆辛苦？	
	02	春曉 春眠不覺曉，處處聞啼鳥。夜來風雨聲，花落知多少？	
	03	詠鵝 鵝、鵝、鵝，曲項向天歌。白毛浮綠水，紅掌撥清波。	
	04	畫眉鳥 百轉千聲隨意移，山花紅紫樹高低。始知鎖向金籠聽，不及人間自在啼。	
	二年級	01	詠螢 的歷流光小，飄颻弱翅輕。恐畏無人識，獨自暗中明。
		02	小池 泉眼無聲惜細流，樹陰照水愛晴柔。小荷才露尖尖角，早有蜻蜓立上頭。
03		村居 草長鶯飛二月天，拂堤楊柳醉春煙。兒童散學歸來早，忙趁東風放紙鳶。	
04		鹿柴 空山不見人，但聞人語響。返景入深林，復照青苔上。	
05		蜂 不論平地與山尖，無限風光盡被佔。採得百花成蜜後，為誰辛苦為誰甜？	
06		詠柳 碧玉妝成一樹高，萬條垂下綠絲絛。不知細葉誰裁出，二月春風似剪刀。	
三年級		01	遊子吟 慈母手中線，遊子身上衣。臨行密密縫，意恐遲遲歸。誰言寸草心，報得三春暉。

三年級	02 贈汪倫 李白乘舟將欲行，忽聞岸上踏歌聲。桃花潭水深千尺，不及汪倫送我情。
	03 回鄉偶書 少小離家老大回，鄉音無改鬢毛衰。兒童相見不相識，笑問客從何處來？
	04 九月九日憶山東兄弟 獨在異鄉為異客，每逢佳節倍思親。遙知兄弟登高處，遍插茱萸少一人。
	05 黃鶴樓送孟浩然之廣陵 故人西辭黃鶴樓，煙花三月下揚州。孤帆遠影碧空盡，唯見長江天際流。
	06 梅花 牆角數枝梅，凌寒獨自開。遙知不是雪，為有暗香來。
	07 獨坐敬亭山 眾鳥高飛盡，孤雲獨去閒。相看兩不厭，只有敬亭山。
	08 尋隱者不遇 松下問童子，言師採藥去。只在此山中，雲深不知處。
	四年級
02 相思 紅豆生南國，春來發幾枝？願君多采擷，此物最相思。	
03 秋夕 銀燭秋光冷畫屏，輕羅小扇撲流螢。天階夜色涼如水，臥看牽牛織女星。	
04 約客 黃梅時節家家雨，青草池塘處處蛙。有約不來過夜半，閒敲棋子落燈花。	
05 垓下歌 力拔山兮氣蓋世，時不利兮騅不逝。騅不逝兮可奈何，虞兮虞兮奈若何！	
06 華山 只有天在上，更無山與齊。舉頭紅日近，回首白雲低。	

四年級	07 早發白帝城 朝辭白帝彩雲間，千里江陵一日還。兩岸猿聲啼不住，輕舟已過萬重山。
	08 題西林壁 橫看成嶺側成峰，遠近高低各不同。不識廬山真面目，只緣身在此山中。
	09 曉出淨慈寺送林子方 畢竟西湖六月中，風光不與四時同。接天蓮葉無窮碧，映日荷花別樣紅。
	10 望廬山瀑布 日照香爐生紫煙，遙看瀑布掛前川。飛流直下三千尺，疑是銀河落九天。
	11 登鶴雀樓 白日依山盡，黃河入海流。欲窮千里目，更上一層樓。
	12 庭中有奇樹 庭中有奇樹，綠葉發華滋。攀條折其榮，將以遺所思。馨香盈懷袖，路遠莫致之。此物何足貢？但感別經時。
	14 一年之計 一年之計，莫如樹穀；十年之計，莫如樹木；終身之計，莫如樹人。一樹一穫者，穀也；一樹十穫者，木也；一樹百穫者，人也。
五年級	01 送元二使安西 渭城朝雨裊輕塵，客舍青青柳色新。勸君更盡一杯酒，西出陽關無故人。
	02 明日歌 明日復明日，明日何其多！我生待明日，萬事成蹉跎。人生苦被明日累，春去秋來老將至。朝看水東流，暮看日西墜。百年明日能幾何？請君聽我《明日歌》。
	03 今日歌 今日復今日，今日何其少！今日又不為，此事何時了。人生百年幾今日，今日不為真可惜！若言姑待明朝至，明朝又有明朝事。為君聊賦《今日詩》，努力請從今日始。
五年級	04 金縷衣

	<p>勸君莫惜金縷衣，勸君惜取少年時！花開堪折直須折，莫待無花空折枝。</p>
	<p>05 慈烏夜啼</p> <p>慈烏失其母，啞啞吐哀音；晝夜不飛去，經年守故林；夜夜半啼，聞者為沾襟；聲中如告訴，未盡反哺心；百鳥豈無母，爾獨哀怨深；應是母慈重，使爾悲不任；昔有吳起者，母歿喪不臨；嗟哉斯徒輩，其心不如禽；慈烏復慈烏，鳥中之曾參。</p>
	<p>06 遊子吟</p> <p>慈母手中線，遊子身上衣。臨行密密縫，意恐遲遲歸。誰言寸草心，報得三春暉。</p>
	<p>07 黃鶴樓送孟浩然之廣陵</p> <p>故人西辭黃鶴樓，煙花三月下揚州。孤帆遠影碧空盡，唯見長江天際流。</p>
	<p>08 花影</p> <p>重重疊疊上瑤台，幾度呼童掃不開。剛被太陽收拾去，卻教明月送將來。</p>
	<p>09 學而第一</p> <p>子曰：「學而時習之，不亦說乎？有朋自遠方來，不亦樂乎？人不知而不慍，不亦君子乎？」</p>
	<p>10 為政第二</p> <p>子曰：「學而不思則罔，思而不學則殆。」</p> <p>子曰：「溫故而知新，可以為師矣。」</p>
	<p>11 述而第七</p> <p>子曰：「三人行，必有我師焉，擇其善者而從之，其不善者而改之。」</p>
	<p>12 為學</p> <p>蜀之鄙有二僧：其一貧，其一富。貧者語於富者曰：「吾欲之南海，何如？」富者曰：「子何恃而往？」曰：「吾一瓶一鉢足矣。」富者曰：「吾數年來欲買舟而下，猶未能也，子何恃而往？」越明年，貧者自南海還，以告富者，富者有慚色。西蜀之去南海，不知幾千里也，僧之富者不能至，而貧者至之。人之立志，顧不如蜀鄙之僧哉？</p>
五年級	13 染絲

子墨子言見染絲者而歎曰：「染於蒼則蒼，染於黃則黃。所入者變，其色亦變。五入必，而已則為五色矣。故染不可不慎也。」

非獨染絲然也，國亦有染。

14 望梅止渴

魏武行役失汲道，軍皆渴，乃令曰：「前有大梅林，饒子，甘酸可以解渴。」士卒聞之，口皆出水，乘此得及前源。

六年級

01 絕句

兩個黃鸝鳴翠柳，一行白鷺上青天。窗含西嶺千秋雪，門泊東吳萬里船。

02 泊船瓜洲

京口瓜洲一水間，鍾山祇隔數重山。春風又綠江南岸，明月何時照我還。

03 鄭人買履

鄭人有欲買履者，先自度而置之其坐，至之市而忘操之，已得履，乃曰：「吾忘持度。」反歸取之。及反，市罷，遂不得履。

人曰：「何不試之以足？」曰：「寧信度，無自信也。」

04 楊布打狗

楊朱之弟曰布。衣素衣而出，天雨解素衣，衣緇衣而反。其狗不知，迎而吠之。楊布怒，將撲之。楊朱曰：「子無撲矣，子亦猶是也。嚮者使汝狗白而往，黑而來，豈能無怪哉？」

05 折箭

阿豺有子二十人，緯代，長子也。阿豺又謂曰：「汝等各奉吾一支箭，折之地下。」俄而命母弟慕利延曰：「汝取一支箭折之。」慕利延折之。又曰：「汝取十九支箭折之。」延不能折。阿豺曰：「汝曹知否？單者易折，眾則難摧，戮力一心，然後社稷可固。」

06 名落孫山

孫山，滑稽才子也。赴舉時，鄉人托以子偕往。榜發，鄉人子失意，山綴榜末先歸。鄉人問其子得失，山曰：「解名盡處是孫山，賢郎更在孫山外。」

07 閨怨

閨中少婦不知愁，春日凝妝上翠樓。忽見陌頭楊柳色，悔教夫婿覓封侯。

六年級

08 鹿柴

空山不見人，但聞人語響。返景入深林，復照青苔上。

09 朱子家訓（節錄）

黎明即起，灑掃庭除，要內外整潔。既昏便息，關鎖門戶，必親自檢點。一粥一飯當思來處不易；半絲半縷，恒念物力維艱。宜未雨而綢繆，毋臨渴而掘井。自奉必須儉約，宴客切勿留連。器具質而潔，瓦缶勝金玉。飲食約而精，園蔬愈珍饈。

10 熟讀精思

凡讀書，須整頓几案，令潔淨端正，將書冊整齊頓放，正身體，對書冊，詳緩看字，仔細分明讀之，須要讀得字字響亮，不可誤一字，不可少一字，不可多一字，不可倒一字，不可牽強暗記，只是要多誦數遍，自然上口，久遠不忘。古人云：讀書千遍，其義自見。謂熟讀，則不待解說，自曉其義也。

余嘗謂讀書有三道：謂心到、眼到、口到。心不在此，則眼不看仔細，心眼既不專一，卻只漫浪誦讀，決不能記，記，亦不能久也。三到之法，心到最急，新既到矣，眼口豈不到乎？

11 勉諭兒輩

「由儉入奢易，由奢入儉難。」飲食衣服若思得之艱難，不敢輕易費用。酒肉一餐，可辦粗飯幾日；紗絹一匹，可辦粗衣幾件，不饒不寒足矣，何必圖好吃好着？常將有日思無日，莫等無時思有時，則子子孫孫常享溫飽矣。

12 愛蓮說

水陸草木之花，可愛者甚蕃：晉陶淵明獨愛菊；自李唐來，世人甚愛牡丹。予獨愛蓮之出淤泥而不染，濯清漣而不妖；中通外直，不蔓不枝；香遠益清，亭亭淨植；可遠觀而不可褻玩焉。

予謂：菊，花之隱逸者也；牡丹，花之富貴者也；蓮，花之君子者也。噫！菊之愛，陶後鮮有聞；蓮之愛，同予者何人？牡丹之愛，宜乎眾矣！

永和九年，歲在癸丑，暮春之初，會于會稽山陰之蘭亭，修禊事也。群賢畢至，少長咸集。此地有崇山峻嶺，茂林修竹；又有清流激湍，映帶左右。引以為流觴曲水，列坐其次；雖無絲竹管絃之盛，一觴一詠，亦足以暢敘幽情。是日也，天朗氣清，惠風和暢。仰觀宇宙之大，俯察品類之盛，所以游目騁懷，足以極視聽之娛，信可樂也！

14 記承天寺夜遊

元豐六年十月十二日，夜，解衣欲睡，月色入戶，欣然起行。念無與為樂者，遂至承天寺，尋張懷民。懷民亦未寢，相與步於中庭。

庭下如積水空明，水中藻、荇交橫，蓋竹柏影也。何夜無月？何處無竹柏？但少閑人如吾兩人者耳。